



Broj:  
Maglaj,

## PRIJEDLOG

Na osnovu člana 2.12. stav (9) Izbornog zakona Bosne i Hercegovine („Službeni glasnik BiH“, br. 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), Odluke o visini naknade za rad članova izborne komisije osnovne izborne jedinice u Bosni i Hercegovini - prečišćen tekst broj: 05-1-02-2-573-1/24 od 03.05.2024. godine i člana 18. Statuta Općine Maglaj – prečišćen tekst, („Službene novine Općine Maglaj“, br. 8/07, 3/08 i 6/08), a u vezi sa Odlukom o privremenom finansiranju Općine Maglaj za period 01.01. - 31.03.2025. godine („Službene novine Općine Maglaj“, broj: 9/24) Općinsko vijeće Maglaj na \_\_\_ redovnoj sjednici, održanoj \_\_\_\_\_ godine, donosi

### ODLUKU o visini naknade za rad članovima Općinske izborne komisije Maglaj za 2025. godinu

#### Član 1.

Ovom Odlukom utvrđuje se visina naknade za rad članovima Općinske izborne komisije Maglaj za 2025. godinu.

#### Član 2.

Mjesečna naknada za rad članova Općinske izborne komisije utvrđuje se u neto iznosu od po 210,00 KM mjesečno.

#### Član 3.

Utvrđena sredstva iz ove Odluke obezbijedit će se u skladu sa Odlukom o privremenom finansiranju Općine Maglaj za period 01.01. – 31.03.2025. godine.

#### Član 4.

Za realizaciju Odluke zadužuje se Općinski načelnik i Služba za privredu, finansije/finansije i razvoj poduzetništva.

#### Član 5.

Ova Odluka stupa na snagu danom donošenja i bit će objavljena u „Službenim novinama Općine Maglaj“, a primjenjivat će se od 01.01.2025. godine do donošenja Budžeta Općine Maglaj za 2025. godinu, a najduže do 31.03.2025. godine.

PREDSJEDAVALA

Aida Bašić

## O b r a z l o ž e n j e

### PRAVNI OSNOV

Članom 2.12. stav (9) Izbornog zakona Bosne i Hercegovine („Službeni glasnik BiH“, br. 23/01, 07/02, 09/02, 20/02, 25/02, 04/04, 20/04, 25/05, 52/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22) propisano je da članovi izbornih komisija osnovne izborne jedinice imaju pravo na stalnu mjesečnu naknadu za svoj rad. Visinu naknade utvrđuje Centralna izborna komisija BiH svojim propisom, tako da se u izbornom period ona isplaćuje najviše u visini isplaćenog paušala odbornika, odnosno vijećnika u toj osnovnoj izbornoj jedinici, a izvan izbornog perioda 30% od tog iznosa.

Članom 1. Odluke o visini naknade za rad članova izborne komisije osnovne izborne jedinice u Bosni i Hercegovini („Službeni glasnik BiH“, broj: 27/22) je propisano sljedeće:

(1) Članovi izborne komisije osnovne izborne jedinice imaju pravo na stalnu mjesečnu naknadu za svoj rad, u visini od 30% isplaćenog paušala odbornika odnosno vijećnika u toj osnovnoj izbornoj jedinici.

(2) Članovi izborne komisije osnovne izborne jedinice koja nema utvrđenu naknadu za rad odbornika odnosno vijećnika u vidu paušala ili ukoliko naknada za rad odbornika odnosno vijećnika nije utvrđena u fiksnom mjesečnom iznosu, nego je vezana za dužnost koju vijećnik odnosno odbornik obavlja u općinskom vijeću, skupštini općine ili gradskom vijeću, skupštini grada odnosno njihovim radnim tijelima, kao i za broj održanih sjednica, imaju pravo na stalnu mjesečnu naknadu za svoj rad u visini od: .....

c) 210,00 KM u osnovnim izbornim jedinicama u kojima je u izvodu iz Centralnog biračkog spiska upisano do 50.000 birača, .....

(3) Članovima izborne komisije iz stava (1) ovog člana, isplaćuje se naknada utvrđena u stavu (2) ovog člana, u utvrđenim iznosima i prema broju upisanih birača za tu osnovnu izbornu jedinicu, ukoliko je to za njih povoljnije i ukoliko je moguće osigurati sredstva u budžetu osnovnih izbornih jedinica za tekuću fiskalnu godinu.


Članom 18. Statuta Općine Maglaj – prečišćen tekst („Službene novine Općine Maglaj“, br. 8/07, 3/08 i 6/08) propisano je da Općinsko vijeće Maglaj u okviru svojih nadležnosti donosi odluke, rješenja, propise i opće akte.

Općinsko vijeće Maglaj donosi Odluku o visini naknade za rad članovima Općinske izborne komisije Maglaj, a na osnovu Odluke o privremenom finansiranju Općine Maglaj za period 01.01. - 31.03.2025. godine.

Obradivač: Emina Hasanić



PREDLAGAČ  
OPĆINSKI NAČELNIK

  
Mađid Suljaković